



壽將軍家傳



署理黑龍江將軍壽公家傳

公姓袁氏，字眉岑，漢軍正白旗人。世居黑龍江城。其先德威勤公，富明阿由佐領累官至吉林將軍薨於位。

朝廷卹終之禮俱如列威勤年五十餘生公六十餘始生第二子壯愍公。永山易簀之時，公年及冠，壯愍公甫十餘齡耳。輒能道大義宿儒不能難也。即除後例，須覲見奉。

旨。公襲騎都尉世職，以員外郎歸部。選用壯愍公亦蒙。

恩賞。四等侍衛兄弟先後服官京師。而威勤公性嚴潔，雖歷職仕家無餘財。公性豁達，又不屑治家人生計。居官貧苦不得已，謀遣壯愍公回旗從軍。咸甲午中日禍作，誠勇公依克唐阿充前敵壯愍公提馬隊統領。同時公亦奉。

旨交誠勇隨營差遣。是役也，前敵將帥半獲嚴譴，獨誠勇先挫後振，且得令名。公兄弟之力也。壯愍既戰沒，鳳凰城公正從大軍復海城，會遼南有警，公率七十騎律偵猝與敵遇，戰於湯崗子。正酣呼間，忽中飛彈自右腹入左。

暫出公屹立不爲動戰愈猛敵既卻跨馬三十里回營衣袴淋漓血厚盈指一時江淮諸宿將作壁上觀者皆舌橋不能下是役也賴公力卒以保全遼瀋戰事既定公亦回旗適壯敏公諱恩澤爲黑龍江將軍公至營甚曰吾得一臂矣是時東北邊防日棘壯敏乃奏請公爲鎮邊軍統領凡事一委之公不爲遙制公既感激知遇蒐軍簡械不遺餘力會奉

旨簡公爲河南府知府而公奉旗黑龍江副都統某適出缺壯敏以邊事軍事非公無可倚任其疏上聞得

旨改授誠異數也其明年入

覲屢次

召見垂詢邊事甚悉公奏對稱

旨於是有

旨依璦琿副都統幫辦邊防故事得添募十五營專歸管轄其餉精由部領取

公亦感荷

殊遇毅然不避嫌疑視國事若家事而抵任首先會商壯敏擇其長於邊事謀

勇兼優者奏調京外官十二員以爲新軍參贊又奏赴滬采辦軍裝由長崎海役嚴伯力循海面歸藉覘毗連形勢以修戰守之備是歲公年甫四十縉自受創失血以來時發眩暈猶復深自刻苦畫定營制夜治案牘宵分乃息嘗戒諸將佐曰臨事而懼好謀而成此千古用兵第一義必養其全鋒有不戰屈人之威始收我戰則克之效非訓練十年不能收功一旦也若不知彼己虛實輕開邊釁幸而獲勝亦無以善其後況不勝乎甲午之役是其前車願與諸君勉之甫成軍不兩月車馬器械未及全備壯敏遽薨於位遺疏公權將軍黎公謂其太慟曰門戶未定梁木遽摧天殆不欲我成功也次日電

旨至命公署理將軍蓋用壯敏之薦也時則光緒二十五年己亥也公接篆後孜孜求治剔弊釐廢不遺餘力一時公牘山積手自批示輒數千百言終日無倦容又手訂行陣操法圖繪要隘申明賞罰頒發將領其有未盡事宜令各以心得稟復並不憚口講手畫之勞殷殷授以方略即至下僚未弁亦切實考核不使有遺逸之才蓋黑龍江省地處極邊幅員廣廓文武

積弊亦最深西南毗奉吉東北錯俄疆無重兵雄城以爲鎖無利礮堅船以爲守而又弛江禁開商埠水陸險隘皆與敵共自非大加整頓無以圖存自受任以來力爭大體吏治邊軍聲爲之一振公誠深有意於其間也乃不數月而義和團之亂以起初拳匪萌孽山東蔓延數省守土者不能制至聯軍深入戰局遂開於五月杪六月初間連奉

諭旨京津一帶業與洋人開仗飭趕緊預備嚴密防範並備兵聽候徵調等語

公斷

命立即電奏派璦琿副都統鳳翔充北路翼長呼倫貝爾副都統依興阿充西路翼長通肯副都統慶祺充東路翼長候補府程君德全爲行軍營務處四面防禦公居中策應以備緩急羽檄飛馳日數百里粗有端緒可循公猶不自安日誠僚屬曰今榆關內外鐵路已毀教堂已焚各國聯軍雲集津沽日夜開仗腹心潰爛肘腋安能獨全況俄人注意鐵路必舉國致死於我萬一開釁必墮其術因嚴飭各翼長悉心守禦幸勿孟浪致成決裂於是照會俄伯力總督暨哈爾濱總監工及我國駐俄欽使楊儒轉請俄

庭略謂江省既無教案而所有東清鐵路本署將軍力任保護堅以毋庸進兵爲請而斯時俄兵已發計大兵二十萬水陸並進分道內犯一由海拉崴沿東海赴天津前敵一由伊爾古斯科侵蒙古界一由司特列津斯科入呼倫貝爾一順流而下赴黑龍江城不半月間若吉之琿春三姓江之呼蘭呼倫貝爾瑯琿無處不有俄兵驍入或窺伺或盤踞或運礮火或耀軍容或擾亂居民或掠擄軍馬一時瑯琿江左六十四屯皆請內徙軍民憤激不可終日已成一發難收之勢加以大石橋白龍駒唇齒之邦均經開仗風聲日亟且拳匪攔入漸多愚民惶惑鐵路土工十餘萬衆因久不得值競倡罷工揚言拆鐵軌劫銀行與俄人爲難凡鐵路一帶其兵士工匠暨監工皆大懼思遁其洋房電線一律割毀是時俄人之在富拉爾基哈爾濱吉江屬界婦女老幼數萬人日夜哭泣願求回國衆爭欲殺之以釋憾公慨然曰強隣壓境大局尙不可知徒殺無辜無益也宜力保鐵路護難民藉全睦誼慎勿小不忍以滋後患於是派統領吉祥堅約富拉爾基監工蓋爾肖甫入城冀一釋其疑懼而蓋爾肖甫鎗斃索值工人數

十名乘火車夜遁公仍派西路統領保全自富拉爾基起西至呼倫貝爾北迄粗魯海圖國界其俄人陸路歸國者經千五百里之遙均妥爲護送出境不傷一人又會商吉林將軍彼此電飭松花江南北凡水路俄人回國者一概放行勿阻其各處所遺房屋糧糧器用物料皆查明封識銀行存款亦派兵運出登錄記籍以備照數交還其有相失在後者飭由素識商家收養按日給值毫無陵虐所有辦法一切照會伯力海蘭泡俄督撫暨駐俄欽使俄人聞之無不感激歎息然俄人遠交近攻其覬覦東三省者幾百年近始得藉鐵路遂其狡謀幸獲有費乘虛而入明保鐵路實陰謀據三省故俄人雖心感公德特非重滋邊釁無以援口實肆要挾惟公心知其意是以委曲求全決意不欲開釁而俄愈肆欺凌先發難端迫我以不得不應於十八十九等日攻我瑗瑗城廂內外房屋猝中砲彈焚毀幾盡二十一日攻我黑河屯燬我電局二十二日將華民之在海蘭泡及江左六十四屯者驅逐入江死者蔽江而下七日不絕二十四五日攻我三臺大肆焚掠七月十日攻我呼倫貝爾我一軍幾覆此數處之開仗皆

攻我以所必救激我以必不堪計無復之實逼處此非公之本心且地隔千里事機萬變實有難以遙制者公聞報猶深自咎責潛然出涕曰吾之罪也夫吾之罪也夫然戰則益敵怒而誤國事退則負國恩而藉寇兵吾非不能戰死也徒死無益上恐辱先人於地下下恐負壯敏於九原蒙恥救民吾之責也人不知我我亦不求人知矣廼電請吉林將軍長轉達俄總監工若能修睦罷兵願身赴哈爾濱以全家爲質並電奏

朝廷戰事本萬不可開今業開仗請

降旨責

奴才

爲戎首將全眷拏交刑部治罪以謝俄人從此罷兵萬民幸甚

才幸甚時道路梗塞電音未覆十五日北路嶺防陷鳳翼長陣亡公目眇

幾裂憤懣愈深十八日申刻俄來書停戰約即日復信公如約復之至二十四日李傅相來電稱俄外部頗願停戰公即飛飭各路一體遵照並飭營務處程德全往俄營商訂一切蓋江省之戰事自此止逮八月朔程德全稟稱與俄兵官約定業已罷戰俄兵入境不殺一人不燒一房其餘條款需請公晤商時公已仰藥幸不死乃集諸僚屬謂之曰今兵戈已息和

約善後等事諸君好爲之予爲將軍令江省糜爛如是璦琿予故士坐令江東六十四屯罹此奇慘雖

天子不加誅外人不見責復何面目對黑龍江父老乎自此即料理身後事核庫儲檢文牘將王命旗牌印信等事悉派員寄送副都統薩公從容條議手具遺疏肫肫以修內政禦外侮設民官開荒務爲請又手書訣別諸僚友情詞懇至尤不堪卒讀至八月四日具衣冠望

闕謝恩臥轎中以槍自擊死既死面如生俄人聞公死設位於札蘭屯弔祭紛至至有泣下者嗚呼曠觀往哲岳武穆勝而死張睢陽敗而死文信國史國事敗且不屈死死有不同後人哀之無異詞觀公之沉毅大度雖古名將不是過使得竟其志吾烏能測其所至耶設施未竟猝遭時變從容就義職固非公之志和亦豈公之心哉嗚呼威勤可謂有子壯愍可謂有兄矣是爲傳

壽將軍遺摺原稿

奏爲江省嶺防城防相繼失陷敵兵逼近省垣力竭勢窮謹以身殉恭具遺疏泣請

聖鑒事竊北路官軍於七月十五十六等日自黑龍江之頭站退守北大嶺並在嶺東戰勝西路官軍亦於七月初九日以後自呼倫貝爾城之海拉依敏兩河東岸退守雅克嶺均經先後奏陳在案其時即以該各嶺間道歧出軍士積勞過久精銳傷亡地險兵單慮爲敵乘旋據北路署翼長恆玉電稟俄兵於七月二十一日又以大隊來攻我軍力戰却之然既退之後敵仍伏匿樹林似有詭計當囑該翼長嚴防穩守多派弁兵偵探勿得貪功迫戰正飛飭間忽據營務處幫辦來鶴電稟俄於二十二日寅刻包抄過嶺勢不可當鍾邊新軍左路統領崇玉鎮邊新軍中路由營營官德春義勝軍右路由營營官瑞昌陣亡其餘傷亡甚多現退四站隨又據署翼長恆玉暨前敵諸文武陸續報同前情並稱各軍皆知此嶺爲通省緊要關鍵拚命抵敵前死後繼卒以衆寡懸絕致將我軍衝成數斷在彼收羅

殘隊有一哨僅剩數人者有一營僅剩數人者零星歸併共不過湊足馬步兩營而敵兵迫嶺而南勢若建瓴頭頭是道墨爾根布特哈兩城官弁旗民又皆望風逃散勸之不止空無憑藉萬難駐足不得已復自爲撤退至布特哈屬訥默爾河南岸權爲憑河據守之計各等語其雅克嶺一路自護理呼倫貝爾副都統全德統領保全吉祥等退守後俄兵亦即跟踪繼至該各統領銳意恢復遽於七月十六日商以保全所部陳軍步隊中前左右四營吉祥所部義勝右路中左馬步兩營出嶺截擊得信業已阻止不及據報初戰極利十七十八十九等日連獲勝戰三次踏破俄營九座緊追二百餘里無如深入無繼二十二日黎明追至呼倫貝爾城不遠之小橋子黑山咀一帶俄人援師大至漫山遍野全德保全分路抵禦吉祥以其義勝左路馬步隊居後策應戰至日昃俄人四面包抄愈裹愈厚保全出呼陷陣策馬於敵兵槍砲密處死之所部弁兵半隨戰歿僅全德吉祥與鎮邊軍營官傅岐標張毓芳等潰圍而出自是雅克嶺僅有義勝左路五營暨由省續發之義勝中路左右兩營防務益形單薄方加詰責

文報忽梗道路不通蓋俄人已由雅克嶺內百餘里火燎溝中竄入據我大兵之後矣刻下分道哨探西路敵兵業已八月初一二日抵至西庫庫爾科運河一帶距省不過百餘里北路敵兵前於七月二十七日抵訥默爾河北岸月初渡河南下且夕即當至省此北路西兩大嶺界爾根布特哈兩城相繼失陷敵兵逼近省垣之實在情形也查省防僅有制兵兩營義勝中路中前後三營其奉省撥助之仁字三營前一兩日始到而連侍衛在奉省招募之義勝前路新營與夫奉省接濟之槍砲奉省自購之智利快槍仍遠隔在數百里外也夫新營未到不足惜所最缺者槍砲耳奉省前募義勝左右兩路均係以抬槍來福槍及各土槍搭配散發餘即抬槍土槍亦無從搜給故省城自有之隊名爲五隊其實於無營同雖近日到有奉省仁字三營區區千數百人亦奚濟乎如是則言戰難然仗山川形勝有險可憑抑或衆志成城人心穩固則不能戰猶可守省城平原曠野面面受敵而事至今日士氣之沮喪草情之渙散更無論已即使勉強抵禦亦無持久之方徒致殘害閭閻城生靈於大局終無益也如是則言守

難或曰將軍統轄全省不在齊齊哈爾一城之守不守也則不能守亦何不能退不知西路敵兵既至庫庫爾科運河等處幾盡江西之地而有之是江西不能退北路敵兵既至訥默爾河暨莽駝公地方稍東即入呼蘭東界附背扼吭危險略與省城同是呼蘭又不能退至省南各站更無形勢足扼之地除越境無可駐足然越境一步奴才無死所矣如是則言退

難適恭讀電抄

七月二十日

簡授全權大臣

諭旨知中外將戡干戈因派行營營務處程德全於七月念七日前赴北路俄營告以

朝廷業已遣使議和彼此應即停戰程德全辯論至再至八月初一日定議俄兵至省不開一槍亦不得擅燒民房妄殘民命該俄帶兵官一應允訖隨即分飭北路翼長恆玉東路翼長慶祺一律停戰恆玉帶兵回省預備出境應紮何處稟候增 長 請

旨定奪然俄人意在截留槍械屆時追索必急恆玉慶祺能否全師以出實難

旨定奪然用人意在審察情勢而決之安必念性三
預定仁字三營仍令回奉由奉運來槍砲諸物亦囑留之伯都訥於八月初三日收將軍印信送交副都統薩保護理並留程佐之以主持和局謹守軍覆則死之義一俟經手事件料理稍就當即畢命於斯惟近日疊奉

寄諭

深斥奴才不應妄開邊釁竊查六月初一日以後奴才之與增長楊儒

等電商者不知凡幾與伯力海蘭泡俄督撫哈爾濱俄監工電商者又不知凡幾皆約令彼不增兵我任保路即至奉省開仗奴才猶切切言之雖中間有與長會攻哈爾濱之約因見事機日逼謀爲先著之爭而來且電商撤兵保路仍如故也迨後六月十八日黑龍江城開仗實由郭來倫爾先發難端在彼業已開槍在我勢難束手此中曲折奴才所致增長楊儒暨俄督撫監工等各電具在無難覆核然私衷所深痛者以

皇太后

皇上加恩

奴才之重倚畀奴才之殷勤事
前既不善彌縫事起又不能固守喪

師失地至於此極雖萬死奚足蔽辜不能自贖於今生惟有圖報於來世

皇太后

而已抑

奴才

更有陳者事平之後如江省不能贖回則已如能贖回

皇上簡任英毅嚴斷任勞任怨之大臣來鎮是邦必如崇實之於奉天銘安之

於吉林而後內政能修外侮足禦省城暨呼蘭通肯兩副都統所治之域

亟宜添設民官呼蘭綏化兩廳員缺亟應改歸外補旗地蒙地均應招放

民荒沿邊兩城尤須變通興墾至於調劑各城旗人之法應於招民開墾

之時多撥司旗隨缺地並酌留旗屯孳生地有隨缺地官兵均不患貧有

孳生地耕牧皆有所託否則若如通肯旗領民佃用意非不周密其實營

腴之地盡爲在官諸人巧取貧丁仍無所得且務本之民以爲地非已有

不願認佃其認佃者又皆別有希圖往往名爲旗產實非旗產輾轉盜賣

無所不至不獨實惠不能均沾墾務亦恐難收速效而下此者又或謂漢

民日多有碍旗人生計山林日闢有妨牲丁

貢貂以及旗地勸設旗官不宜民官治理諸說皆狃於一偏之見不顧大局

之言更卑卑不足論矣總之江省之事非開荒無從下手開荒之舉非

之言更卑卑不足論矣總之江省之事非開荒無從下手開荒之舉非

民無從下手以七城之大土地之沃如果得人而理不出十年必能自立
奉天吉林成效不難復見於將來即以此次軍務言之如使廿年前本有
即照吉奉辦法則今日者沿邊有民就地有餉防務既不期固而自固槍
械軍火亦不期饒而自饒何至處處窘迫一蹶不振哉此奴才備歷之艱
苦久蓄之心愿雖在授命之際徬徨焉不能自默者也除將前後陣亡總
領管官暨在事實在得力文武諸員另片懇

恩外謹恭具遺疏奏 聞伏乞

皇太后

皇上聖慈矜鑒再此摺係八月初三夜間屬稿天明正擬敬繕據報俄兵昨晚
至塔哈爾站此時已抵城外謹即恭設香案望

闕叩辭伏地長號神魂飛越無任瞻戀哀迫之至謹奏

